

## **LAMPIRAN KETERANGAN PRODUK BAGI ORANG YANG DILINDUNGI**

**PRUDENTIAL BSN**

TAKAFUL

**Prudential BSN Takaful Berhad  
Lindungi  
May 2023**

**(Sila baca Lampiran Keterangan Produk ini sebelum Anda membuat keputusan untuk mengambil pelan Lindungi. Sila pastikan juga Anda baca terma-terma dan syarat-syarat umum.)**

### **1. Apakah produk ini?**

Lindungi adalah pelan takaful keluarga bertempoh yang boleh diperbaharui setiap tahun yang memberi perlindungan terhadap kematian dan hilang upaya kekal dan menyeluruh sehingga berumur 70 tahun pada hari lahir akan datang, tertakluk kepada pembaharuan. Apabila berlaku kematian atau mengalami hilang upaya kekal dan menyeluruh, Manfaat Kematian atau Manfaat Hilang Upaya Kekal dan Menyeluruh akan dibayar dari dana *Tabarru'*.

### **2. Apakah konsep Syariah yang berkenaan?**

- *Ta'awun* - persetujuan untuk saling membantu berdasarkan prinsip pertolongan bersama. Takaful adalah berdasarkan konsep *Ta'awun* seperti yang ditakrifkan di bawah Seksyen 2 Akta Perkhidmatan Kewangan Islam 2013 yang bermaksud suatu persetujuan yang berdasarkan kepada pertolongan bersama di mana peserta-peserta takaful bersetuju untuk menyumbang ke dalam suatu dana yang akan memberi manfaat kewangan yang akan dibayar kepada peserta-peserta takaful atau kepada waris mereka sekiranya berlaku perkara-perkara yang telah dipersetujui terlebih dahulu. Merujuk kepada perkara di atas, sumbangan yang akan dimasukkan dan dikumpulkan ke dalam dana bersama iaitu dana *Tabarru'* (dana yang dimiliki secara kolektif oleh peserta) adalah *Tabarru'at* (kebajikan) secara alami.
- *Wakalah bi al-ujrah* - Persetujuan di mana Kami dilantik untuk menguruskan perkhidmatan keseluruhan yang disediakan di bawah sijil Anda. Kami (Prudential BSN Takaful Berhad) akan mengambil sebahagian daripada sumbangan Anda sebagai Caj *Wakalah* pendahuluan sebagai balasan bagi perkhidmatan ini. Selain daripada Caj *Wakalah* pendahuluan, Kami juga layak menerima yuran prestasi di atas Lebihan yang Boleh Diagihkan daripada dana *Tabarru'*.

### **3. Apakah perlindungan/manfaat yang ditawarkan?**

#### **a) Manfaat Kematian**

- Jika Orang Yang Dilindungi meninggal dunia semasa perlindungan takaful bagi Orang Yang Dilindungi masih berkuat kuasa, PruBSN akan membayar 100% Amaun Manfaat untuk Manfaat Kematian secara sekaligus daripada Dana *Tabarru'*, selepas ditolak sebarang jumlah tertunggak yang perlu dibayar kepada PruBSN.

#### **b) Manfaat Hilang Upaya Kekal dan Menyeluruh**

- Sekiranya Orang Yang Dilindungi mengalami Hilang Upaya Kekal dan Menyeluruh (TPD) semasa perlindungan takaful bagi Orang Yang Dilindungi masih berkuat kuasa, PruBSN akan membayar 100% Amaun Manfaat bagi Manfaat Hilang Upaya Kekal dan Menyeluruh (TPD) secara sekaligus daripada Dana *Tabarru'*.
- PruBSN akan menolak Amaun Manfaat bagi Manfaat TPD dari Amaun Manfaat bagi Manfaat Kematian, selepas PruBSN membuat pembayaran untuk Manfaat TPD.
- Amaun maksimum yang akan Kami bayar untuk Manfaat Hilang Upaya Kekal dan Menyeluruh di bawah sijil ini dan/atau sijil-sijil lain yang Kami keluarkan adalah TIDAK melebihi RM8,000,000 setiap orang atau sebarang had lain yang ditentukan oleh Kami.

**c) Jangka masa pelan:** Diperbaharui secara tahunan sehingga Orang yang Dilindungi mencapai umur luput 70 tahun.

### **4. Berapakah sumbangan yang perlu saya bayar?**

- Jumlah sumbangan yang perlu Anda bayar dan terma-terma sijil mungkin berbeza bergantung kepada keperluan pengunderaitan.
- Sumbangan untuk pelan ini berbeza mengikut umur Orang Yang Dilindungi pada setiap tarikh ulang tahun sijil dan akan dibayar sepanjang tempoh sijil. Sila rujuk Lampiran 1 untuk contoh sumbangan.
- Sumbangan untuk pelan ini adalah tidak dijamin dan boleh disemak semula pada ulang tahun sijil. Kami akan memaklumkan kepada Anda tentang sumbangan yang disemak semula dengan memberikan notis sekurang-kurangnya 90 hari sebelum ulang tahun sijil.
- Sumbangan hendaklah dibayar sehingga umur 69 tahun hari lahir akan datang.
- Adalah penting untuk Anda menyimpan Penyata Kad Kredit, Kad Debit atau Penyata Bank yang diterima sebagai bukti pembayaran sumbangan untuk rujukan pada masa akan datang.

### **5. Apakah caj-caj yang perlu saya bayar?**

- Caj Wakalah Pendahuluan - 40% daripada sumbangan tahunan yang dibayar.
- Potongan *Tabarru'* - 60% daripada sumbangan tahunan yang dibayar.

Potongan *Tabarru'* dan caj adalah tidak dijamin dan mungkin akan disemak semula pada ulang tahun sijil. Kami akan memaklumkan kepada Anda tentang Potongan *Tabarru'* dan caj yang disemak semula dengan memberikan notis sekurang-kurangnya 90 hari sebelum ulang tahun sijil.

**6. Apakah terma-terma dan syarat-syarat penting yang perlu saya tahu?**

- **Kepentingan membuat pendedahan** - Anda mesti mendedahkan semua fakta penting termasuk, tetapi tidak terhad kepada, keadaan kesihatan dan Anda mesti menyatakan umur Anda dengan betul. Anda mempunyai kewajipan untuk mendedahkan semua maklumat yang relevan yang Anda tahu atau sepatutnya tahu sebaik pengetahuan Anda dan atas niat baik. Jika Anda gagal untuk berbuat demikian, Kami boleh menamatkan sijil Anda. Kewajipan umum untuk membuat pendedahan akan sentiasa berterusan dan akan memerlukan Anda untuk memaklumkan kepada Kami tentang sebarang perubahan ke atas maklumat yang telah didedahkan atau sebarang maklumat baru yang relevan dengan sijil.
- **Tempon rujukan percuma** - Anda boleh membatalkan sijil anda dalam tempoh 15 hari dari tarikh sijil. Begitu juga, bagi melindungi atau mendahulukan kepentingan Anda dan pelanggan Kami yang lain dengan adil, Kami mungkin akan membatalkan sijil Anda dalam tempoh 15 hari dari tarikh permulaan. Kami akan mengembalikan sumbangan yang telah Anda bayar.
- **Sijil luput** - Sekiranya Anda gagal membayar sumbangan dalam masa 30 hari dari tarikh sumbangan perlu dibayar, sijil Anda akan tamat dan tidak lagi berkuatkuasa. Penguatkuasaan semula adalah tidak dibenarkan untuk sijil yang telah luput.
- **Pembaharuan** - Sijil ini akan diperbaharui pada setiap ulang tahun sijil selagi sumbangan dibayar oleh Anda mengikut kadar sumbangan semasa yang dikira berdasarkan umur pada hari lahir yang akan datang pada ulang tahun sijil.

*Nota: Senarai ini adalah tidak lengkap. Sila rujuk dokumen sijil untuk terma dan syarat di bawah sijil ini.*

**7. Apakah pengecualian-pengecualian utama di bawah sijil ini?****Manfaat Kematian**

Kami tidak akan membayar Manfaat Kematian sekiranya kematian tersebut disebabkan oleh perbuatan membunuh diri dalam tempoh setahun dari tarikh permulaan.

**Manfaat Hilang Upaya Kekal dan Menyeluruh**

Kami tidak akan membayar Manfaat Hilang Upaya Kekal dan Menyeluruh sekiranya hilang upaya kekal dan menyeluruh secara langsung atau tidak langsung disebabkan oleh:

- (a) percubaan membunuh diri atau kecederaan yang dilakukan sendiri ke atas diri semasa waras atau tidak waras; atau
- (b) mengambil bahagian dalam penerbangan udara (penerjunan payung terjun dan penerjunan udara) selain daripada sebagai anak kapal atau penumpang yang membayar tambang di atas kapal terbang pembawa penumpang komersial yang beroperasi dalam laluan yang berjadual tetap; atau
- (c) sebarang keadaan sedia ada yang tidak didedahkan kepada Kami berhubung dengan status kesihatan Anda. Pengecualian ini akan digunapakai selama 12 bulan dari tarikh permulaan. Sebarang keadaan sedia ada yang tidak didedahkan kepada Kami selepas tempoh 12 bulan tersebut akan diambil tindakan sewajarnya mengikut Jadual 9 bagi Akta Perkhidmatan Kewangan Islam 2013.

*Nota: Senarai ini adalah tidak lengkap. Sila rujuk dokumen sijil untuk terma dan syarat di bawah sijil ini.*

**8. Bolehkah saya membatalkan sijil ini?**

Menyertai pelan takaful keluarga merupakan komitmen kewangan untuk jangka masa yang panjang. Anda boleh membatalkan sijil anda pada bila-bila masa yang Anda kehendaki dengan memberi notis bertulis kepada Kami. Walau bagaimanapun, jika Anda memilih untuk membatalkan sijil Anda selepas tempoh rujukan percuma, tiada amaun serahan yang akan dibayar kepada Anda. Sebaliknya, Kami akan terus memberikan perlindungan kepada Anda sehingga ulang tahun sijil selepas Anda memberikan notis tersebut.

**9. Apakah yang perlu saya buat jika terdapat sebarang perubahan dalam butiran perhubungan saya?**

Ianya penting untuk Anda memaklumkan kepada Kami tentang sebarang perubahan dalam butiran hubungan Anda untuk memastikan bahawa semua surat-menyurat sampai kepada Anda tepat pada waktunya.

**10. Dimanakah saya boleh mendapat maklumat lanjut?**

Jika Anda memerlukan maklumat tambahan mengenai takaful keluarga, sila hubungi Kami di:

**Prudential BSN Takaful Berhad (200601020898 (740651-H))**

Level 13, Menara Prudential,  
Persiaran TRX Barat,  
55188 Tun Razak Exchange,  
Kuala Lumpur.

Tel: **03 2775 7188**

E-mel: [customer@prubsn.com.my](mailto:customer@prubsn.com.my)

Orang yang Dilindungi juga boleh melayari [www.prubsn.com.my](http://www.prubsn.com.my)

Prudential BSN Takaful Berhad ialah Pengendali Takaful berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

**11. Jenis-jenis perlindungan takaful keluarga lain yang tersedia:**

Sila hubungi Kami untuk jenis-jenis perlindungan lain yang tersedia.

**NOTA PENTING:**

**MENYERTAI PELAN TAKAFUL KELUARGA MEMERLUKAN KOMITMEN KEWANGAN UNTUK JANGKA MASA YANG PANJANG. ANDA PERLU MEMILIH SIJIL YANG PALING SESUAI UNTUK MEMENUHI KEPERLUAN DIRI ANDA. ANDA PERLU MEMBACA DAN MEMAHAMI SIJIL TAKAFUL ANDA ATAU HUBUNGI PENGENDALI TAKAFUL UNTUK MAKLUMAT LANJUT.**

Maklumat yang disediakan dalam lampiran ini ialah:

Disampaikan oleh:	Prudential BSN Takaful Berhad
Tarikh:	Mei 2023
Versi:	Lindungi v5.0

## Lampiran 1 - Kadar Sumbangan bagi RM20,000 Jumlah Dilindungi

Umur Hari Lahir Akan Datang Orang Yang Dilindungi	Lelaki	Perempuan
19	50	50
20	50	50
21	50	50
22	50	50
23	50	50
24	50	50
25	50	50
26	50	50
27	50	50
28	50	50
29	50	50
30	50	50
31	50	50
32	50	50
33	50	50
34	50	50
35	50	50
36	50	50
37	50	50
38	50	50
39	50	50
40	51	50
41	57	50
42	63	50
43	71	51
44	80	57
45	91	63
46	102	71
47	116	80
48	130	91
49	147	102

Umur Hari Lahir Akan Datang Orang Yang Dilindungi	Lelaki	Perempuan
50	165	116
51	186	130
52	209	147
53	235	165
54	262	186
55	294	209
56	328	235
57	366	262
58	408	294
59	455	328
60	506	366
61*	511	371
62*	568	414
63*	629	460
64*	697	511
65*	772	568
66*	810	596
67*	850	626
68*	893	657
69*	938	690

\* Cadangan sumbangan tahunan untuk umur 61 tahun dan ke atas adalah untuk pembaharuan sahaja.